

三因極一方

十一

卷十
勞瘵 蛇蟲傷 消渴 嘔吐 食嘔 走嘔 泄瀉

疰忤中惡 五絕 五疸 寒嘔 血嘔 噎逆

驚悸 張滿^{卷十一} 熱嘔 氣嘔 酸咽





蠱毒 自汗 霍亂 痰嘔 漏氣 馨氣

內閣文庫			
三〇〇函	一二五三九	架冊號類	漢書

漢書門			
八四九九	架冊號類		

內閣文庫	
番號	漢 12539
冊數	8 (5)
函號	300 208





古今醫統一病證方論卷之十

勞瘵叙論

夫骨蒸痿痺復連屍症勞瘵蟲瘵毒瘵熱瘵冷瘵食瘵鬼瘵

等皆曰傳屍者以瘵者注也病自上注下与前人相似故曰

瘵其變有二十二種或三十六種或九十九種大略令人寤

執盜汗夢与鬼交遺泄白濁髮乾而聾或腹中有塊或腦後

兩邊有小結核連復數或聚或散沉二點二咳嗽痰涎或

咯膿血如肺痿肺癰狀或復下利羸瘦困乏不自勝持積日

累年以至於死之後乃瘵易傍人乃至咸門者是也更有瘵

尸遁尸寤尸喪尸尸淫等謂之五尸及大小附着等證不的

知其所苦无如不惡乃挾諸鬼邪而害人以三因收之内非

七情所忤外非四氣所襲虫若麗手不内外因素其證多端

傳變近移難以推測故自古及今愈此病者十不得一所謂

卷之十

狸脊懶肝天靈蓋銅鑑鼻從有其說未嘗見效唯膏育俞崔
氏它若聞早矣之可否哉半晚既不濟也近集得經效方有
人服之頗驗謔錄于左餘缺以俟明哲

勞瘵諸證

病者增寒發熱自汗面白目乾口苦精神不守恐畏不能寐
臥其傳在肝病者增寒發熱面黑鼻燥忽二喜忘大便苦難
或復泄瀉口瘡其傳在心病者增寒發熱面青唇黃舌本強
不能燕飲食无味四肢羸瘦吐涎沫傳在脾病者增寒發熱
面赤鼻白乾燥毛折咯嗽喘急時吐白涎或有血綿傳在肺
病者增寒發熱面黃耳輪焦枯脰骨痠痛小便白濁遺瀝胃
痛傳在腎所謂勞瘵者二十四種隨證昏可考尋毛折髮焦
肌膚甲錯其並皮外人竟熱自反惡寒身振慄劇其蒸在
遊髮佳鼻衄或復尿血其蒸在血身熱煩燥痛如針刺其蒸

蒸脈瓜甲焦枯眼昏兩肢急痛其蒸在筋肢齒黑燥大籽酸
疼其蒸在骨背脊疼痛脰骨酸癢其蒸在髓頭眩熱悶口吐
濁涎眼多物淚其蒸在腦男子失精女子白淫其蒸在玉房
乍寒乍熱中腕与膻中煩悶其蒸在三焦小便赤黃凝濁如
膏其蒸在膀胱傳道不均或秘或泄腹中雷鳴其蒸在小腸
大腹隱痛右鼻乾疼其蒸在大腸口鼻乾燥腹脹睡臥不安
白汗出其蒸在胃口苦耳聾腸下痛其蒸在膽裏急後重肛
門澁閉其蒸在回腸小腹疝痛筋脉縱緩陰器自強其蒸在
宗筋眼昏淚下時復眩暈燥怒不常其蒸在肝舌焦黑氣短
煩悶洒二浙二其蒸在心唇乾口瘡胃腹脹悶畏寒不食其
蒸在脾咳嗽喘滿咯痰吐血声嘶音遠其蒸在肺耳輪焦枯
脚氣酸疼起居不得其蒸在腎情想不寧无故精泄白物綿
綿下其蒸在右腎心主胞絡心葛壅塞攻擊疼痛俛仰煩

寬其蒸在鬲諸證雖曰不同其根多有虫鬻其心肺治之不可不絕其根也

勞瘵治法

取勞蟲方

青桑枝

柳枝

石櫛皮

桃枝

梅枝

各十莖每長四寸許

青蒿 一小握

在用童子小便一升半葱白七莖去頭葉煎及一半去滓別入安息香阿魏各一分再煎至一盞濾去滓調辰砂末半錢檳榔末一分麝香一字分作二服調下五更初一服五更三點時一服至已牌時必取下虫色紅者可救青者不治見有所下即進軟粥飯溫煖稍息不可用性及食生冷毒物合時須擇良日不得令猫犬孝服

上 噦惡婦人見

神授散治諸傳尸勞氣殺虫方得之於清源郡王府

川椒

二斤擇去子并合口者炒出汗

右為末每服二錢空心米湯調下須痺暈悶少頃如不能禁即以酒糊為丸如梧子大空心服三五十九丸昔人嘗与病勞婦人交婦人死遂得疾遇一異人云勞氣已入臟遂与此方令急服二片其病當去如其言服之幾尽大便出一虫狀如蛇自此遂安續有人服之獲安濟者多矣

潤神散治勞瘵增衄發熱口乾咽燥自汗疲劇煩躁

人參

黃芪

甘草

桔梗

麥門冬 各等分

右為末每服二錢水一盞煎七分不以時自汗入淡竹葉小麥同煎

温金散治積勞咳嗽喘悶咯痰中有血

甘草 生用

黃芩

桑白皮

防風 去叉

杏仁

去皮尖以五味各一兩末
中浸一宿取出搗乾畧炒

麥門冬 一分
去心

茯神 半兩

右為末每服二大錢水一盞入黃臘一片如指大同煎
至七分食後服

蛤蚧散治積勞久咳失音方

蛤蚧

一對去口足濁水浸去
膜刮了血脈用好醋炙

訶子 煨去核
阿膠 炒

熟地黄

麥門冬 去心

細辛 去苗

甘草

炙各
半兩

右為末蜜丸如皂子大每服一丸含化不拘時候服

蘇合香丸治傳屍骨蒸殭殭肺痿疰鬼氣心痛霍亂時氣

瘴癘等方 方見九痛門

此方盛行於世大能安氣却外邪凡病自內作不曉其
名者服之皆效最治氣厥氣不和吐利榮衛閔格甚有

神效

疰忤中惡證治

病者卒心腹脹滿吐利不行如乾霍亂狀世所謂衝惡是也
由人精神不全心志多恐遂為邪鬼所擊或復附着沉默
默寢言謔語誹謗罵詈許露人事不避譏嫌口中好言未然
禍福及至其時毫髮无失人有起心已知其肇登高降陰如
履平地或悲泣呻吟不欲見人其狀万端如醉如狂不可
察幸此昏鬼神及諸精魅附着感之或復觸犯忌諱土地神靈
為其所作非有真災但隨方俗效驗治之方列于后
還魂湯治卒中惡感忤鬼擊飛尸諸奄忽氣絕无復竟或
已死絕口喋不用去齒下湯或湯入口不下者分病人髮
左右按踏肩引之藥下復增取尽一升傾更立蘇

麻黃

去高湯
三四

桂

去皮
二兩

甘草

二兩
杏仁 去皮尖
百二十粒

右對散每服四大錢小一盞半煎七分去滓不以時服
桃奴圓治心氣虛有恍惚不常言語錯亂尸在客位獻夢
不祥小兒驚癇並宜服之

桃奴 七枚別研

辰砂 半兩別研

生玳瑁 鎊過為末

桃仁 十四枚去皮尖

雄黃 用桃葉煮小

牛黃 別研碎

安息香 一分

龍腦 別研

琥珀 別研三分

右為細末和入前膏丸如雞頭大陰乾密器封閉淨室

安置煎人參湯研下一丸食後煨臥服

蘇合香圓治卒中惡忤症 方見九痛門

蠱毒叙論

江南閩中山間人以蛇虺蜈蚣蠅蚰等百蟲同器畜之

使其自相食啖勝者為靈以奉之取其毒雜以菜菓飲食之
類以啗人妄意要福以圖富貴人或中之證狀万端廣如治
百蠱說或年歲間人多死又有人家香火伏事如家先者亦
謂之蠱能病人世謂之蠱淫以姓類屬五音謂之五蠱此皆
邊鄙邪僻之地多有此事中都則蔑聞也

中蠱證治

夫中蠱毒者令人心腹絞痛如有物嚙吐下血昏如爛肉若
不即治食人五臟即死殮之令病唾水既即是蠱有人行蠱
毒以病人若欲知其姓名者以敗鼓皮燒作末飲服方寸匕
須臾自呼蠱家姓名可語令呼喚將去則愈治之亦有方
丹砂圓治蠱毒從酒食中着者方端午日合

辰砂 別研

雄黃 別研

赤脚蜈蚣 續隨子 各一兩

麝香 一分

右為末糯米飲為丸如雞頭大若竟中毒即以酒下一
丸蛇蝎所螫醋磨塗之

凡例

凡諸蠱多^昏是假毒藥以投之知時宜煮大豆甘草芥花汁飲
之通除諸藥毒

礬灰散治中諸物毒

礬礬

建茶

各等分

右同為末每服三錢新汲水調下得吐即效未知再作

解毒因治誤食毒草并百物救人於必死

板藍根

四兩丸者
淨洗日乾

貫衆

一兩剉
去土

青黛

研

甘草

生各
一兩

右為末蜜丸梧子大以青黛別為衣如稍竟精神恍惚

惡心即是誤中諸毒急取藥十五丸爛嚼用新水送下

即解此方傳得異人京師陳道士用水浸炊餅為丸尤

妙如常服可三五丸大解暑毒

凡中毒嚼生黑豆不腥嚼白礬味甘者皆中毒元氣

青黛雄黃散凡始竟中毒及蛇虫咬痲疽纒作即服此令毒

氣不聚

上好青黛

雄黃

等分

右為細末新汲水調下二錢

蛇虫傷治法

白芷散治惡蛇咬傷傾仆不可療者

香白芷

右一味為末水調下頃刻咬處出黃水尽腫消皮合

白礬半夏散治蝎螫痛不可忍

白礬

半夏

各等分

右為細末嚴醋調貼之

五絕治法

凡魘寐產乳自縊壓溺五者令人卒死謂之五絕

半夏散治魘寐卒死及為墻壁竹木所壓水溺金瘡卒致悶

絕產婦惡血衝心諸暴絕證

半夏七次湯洗去滑不拘多少

右為末每一大豆許吹鼻中即活但心頭溫者一日可治

牡丹散治產乳血暈悶絕狼狽若口噤則拗開灌之必效

方見婦人門

救自縊法

徐二抱解不得截繩上下安被臥之一人以脚踏其兩肩手少挽其髮常弦絃勿縱之一人以手按據背上數動之一人摩將背屈伸之若已強但漸屈之并按其腹如此一炊頃氣從口出呼吸眼開而猶引按莫置亦勿苦勞之須臾可少

桂湯及粥清含与之令濡喉漸二能嚙乃稍二止耳內令兩人以管吹其兩耳好法最善无不活者自旦至暮金鈴亦可暮至旦少雜

救壓死方

以死人安着將手掩其口鼻眼上一食頃活眼開仍与執小便若初竟氣絕而不能言可急劈口開以執小便灌之打撲悶絕者亦用此

夫壓死折傷唯札法君子守巖牆垂堂之戒固无是事然可車官馬時有跌足奔輪步砌熾流未免厘舟孰死况行商征賈捕獵與人歷涉坑多不測尤甚其如冤讎加害凶險劫持打撲金瘡昏致枉天治之不可不急也

雞鳴散治從高墜下及木石所逐凡是傷損血瘀凝積氣逆欲死并久積瘀血煩躁疼腫叫呼不得並以此藥利去瘀

血即愈此藥能推陳致新方見折傷門

大嶽活血丹治男子婦人外傷內損狗咬虫傷駝馬撲墜手足傷折一切疼痛腹中瘀血刺脇築心及左攤右緩走注疼痛癱腫痔漏婦人冷氣入腹血脉不通產後敗血灌注四肢吹妳腫痛並宜服之

花桑枝 取如臂大者以炭火煨赤煙盡 栗楔 一片栗

薄者薄厚者厚 細墨 半片一半用車麻三兩乳鉢內細研

切曬乾 赤末醋內 大黑豆 一片濕布搗去 亂髮 二片皂角中

坎久半用醋化研砂二兩塗盡炙乾 皂角刺 燒通

片炒頻捻 乳香 四兩頂滴乳通明者細

看脆即止 右六味為末入乳香膏內和杵三阡下丸如彈子大如

乳香少更入醋糊痛者一服一丸輕者半丸以无灰酒

一盞乳香一盞大先磨香及次磨藥及前三五沸煨卧

時溫服以痛處就床卧如欲出汗以衣被覆仍用藥塗

磨損處忌一切動風物應婦人諸疾服者更用當歸末

一錢依法煎服有孕不得服

接骨散治跌撲脚手脛骨脆折

水蛭 不拘多少

右於新瓦上熬令香熟勿令太過為末每服一錢熱酒

調仍入麝香半錢服折處不可手觸藥行良久竟痛折

處漸痒如蟻啮之遂要人捺揉骨折處相接即用杉木

夾縛兩三日去之骨全矣

花藥石散治一切金瘡打撲傷損猫犬咬傷 方見失血門

救溺死法

竈中灰 兩石

右以灰堆聚急將溺者埋灰中從頭至足水出 七 即活

驚悸證治

夫驚悸與怔忡二證不同驚悸則因事有所大驚或向虛響
或見異相登高涉險夢寐不祥驚忡心神氣与涎鬱遂使驚
悸名曰心驚膽寒立心膽從屬不内外因其脈必動怔忡則
因汲二富貴戚二貧賤久思所愛遽失所重觸事不意氣鬱
涎聚遂致怔忡在心脾怔忡意思所主屬内所因或冒寒暑濕
寒閉諸証令人忽二若有所失恐二如人將捕中腕怔忡此
乃外邪拜非因心病况立飲停畜閉於中腕最使人怔忡治屬
飲家除飲悸与外内因所治各見本門驚悸治方備列于后
温膽湯治心膽虛怯觸事易驚或夢寐不祥或異象或遂致
心驚膽懾氣鬱生涎二与氣情變生諸證或短氣悸或
復自汗四肢浮腫飲食无味心虛煩悶坐卧不安
半夏湯洗 竹茹 枳實去穢麩炒 橘皮三兩 去白

甘草炙一兩 白茯苓一兩

右為別散每服四大錢水一盞半姜五片棗一个煎七

分去滓食前服

鎮心丹大治驚悸方見厥痲門

定志固心驚膽怯方見健忘門

寒水石散治因驚心氣不行鬱而生涎二結為飲遂為大痰

松栝煖懷不自眩持少小遇驚宜服之但中寒者不服

寒水石煨 滑石中飛各壹兩 甘草生一分

右為末每服二錢杵則新汲水下怯寒則煎姜枣湯下

入龍腦少許尤佳小兒量歲与之

自汗證治

夫自汗多因傷風傷暑及喜怒驚恐房室虛勞皆能致之无
問昏醒浸二自出者名曰汗或睡着汗出即一名盜汗或云

寢汗若其飲食勞役負重涉遠登頓疾走因動汗出非自汗也人之氣血猶陰陽之水火平則寧偏則病陰虛陽必溼故發熱自汗如水熱自溼陽虛陰必乘故發厥自汗如水溢自流考其所因風暑涉外喜怒驚恐涉內房室虛勞涉不內外理亦甚明其間如歷節腸癰脚氣產辱等病各有自汗治之當推其所因為病源无使温温如經脈別論所載但原其汗所出處初非自汗證也不可不知

正元散治下元氣虛胸腹脹滿心腹刺痛泄利嘔吐自汗陽氣漸微手足厥冷及傷寒陰證霍亂轉筋久下冷利少氣羸困一切虛寒並宜服之常服助陽消陰正元氣温脾胃進飲食

人參 白茯苓 白朮 黃芪 甘草 烏朮 山藥 附子

川芎

乾葛 各一兩

桂心

烏頭

紅豆 炒

乾姜 炮

橘皮 各三錢

右為末每服二錢水一盞姜三片棗一個鹽少許煎七分食前服自汗加浮麥

牡蠣散治諸虛不足及新病暴虛津液不固体常自汗夜臥即甚久而不止羸脊枯瘦心忪驚惕短氣煩倦

牡蠣 米泔浸去土煨取粉

麻黃根

黃耆 各一兩

右為剉散每服三錢水一盞半小麥百餘粒同煎至八分去滓不拘時一方為細末每三錢水三盞葱白三寸煎一盞半分三服

麥煎散治榮衛不調夜多盜汗四肢煩疼飲食進退肌瘦

秦艽 二兩

柴胡 去苗 二兩

大鱉甲 二兩 醋煮三五沸淨去裙襖別用醋塗裏黃

乾漆 炒青 煙尽

人參

茯苓

乾葛

川烏 炮去皮 各一兩

玄參 三兩

右為末每服二錢先用小麥三七粒煎湯一盞去麥入藥煎七分食後溫服或煨卧服如久患後亦宜服此以退其勞倦調理經絡

桂枝湯治傷風自汗方見傷風門

欲暑散治傷暑自汗方見傷暑門

防己黃芪湯治傷濕自汗方見傷風濕寒門

止汗溫粉

用川芎白芷藁本為末各一分入米粉三分綿裹撲身於上

消渴叙論

夫消渴皆由精血走耗津液枯乏引飲恆多小便必利寢裏微肌肉脫削指脈不榮精髓內竭推其所因涉內外乎不內外古方不原病本但出禁忌似屬不內外因藥中乃用麻黃

遠志得非內外兼并况心虛煩悶最能發渴風寒者濕病冷作熱入于腎經引水自救昏明文也不知其因施治錯謬醫之大患不可不知

三消脈證

渴病有三曰消渴消中消腎消渴屬心故煩心致心火散憂渴而引飲經云脈軟散者當病消渴諸脈軟散皆氣衰血虛也消中屬脾痺熱成則為消中消中後有三有室中熱中強中室中陰陽鬱久必為熱中經云脈洪大陰不足陽有餘則為熱中多食數噎為消中陰狂且盛不交精泄則為強中三消病至強中不亦危矣消腎屬腎盛壯之時不自謹惜扶情縱慾極意房中平長腎衰多服丹石真氣耗盡石氣孤立唇口乾焦精溢自洩不飲而利經云腎空則消不渴而小便自利名曰消腎亦曰內消

三消法

真珠園治心虛煩悶或外傷暑熱內積熱煩醋飲過多昏致
煩渴口乾舌燥引飲无度小便或利或不利

知母 一法一兩一分 川連 去毛一法一兩 苦參 一法一兩 玄參 一法无

鐵礞粉 分兩一 牡蛎 一分 朱砂 二兩 麥門冬 去心

天花粉 各半 金箔 二箔片一法白一兩 銀箔 二箔片一法白一兩

右為末煉蜜入生括樓根汁少許丸如梧子大用金銀

箔為衣每服二十九至三十九丸先用括樓根汁下一服

次用麥門冬熟水下病退日貳服忌炙燥酒色次投從

蓉圓補

從蓉圓

從蓉 酒浸 磁石 煨焯 熟地黄 山茱萸

桂心 山藥 炒 牛膝 酒浸 茯苓

黃芪 鹽湯浸 澤瀉 鹿茸 去毛切 遠志 去心

石斛 覆盆子 五味子 單解

破故紙 炒 巴戟 酒浸 兔絲子 酒浸 龍骨

杜仲 去皮剉姜汁製 附子 炮去脂一

右為末蜜丸如梧子大每服五十九丸空腹米飲下

姜粉散治消中多因外傷瘴熱內積憂思喜啖鹹食及麪致

脾胃乾燥飲食倍常不為肌膚大便反堅小便无度

生薑 研汁 輕粉

右搜勻每服二錢匕長流水調下齒浮是效次投猪肚

丸補

附子猪肚丸

附子 檳榔 不煨各一兩 鼈甲 醋炙各兩半 當歸

知母 木香 炮 川練 剉炒 秦艽 去苗

大黃 酒蒸

龍膽草

白芍藥

破故紙 酒浸炒

枳殼

麩炒去穢各半兩

右為末分作三分將二分入猪肚內縫定令蜜酒三升童子小便五升同入砂鉢內熬乾爛研細入一分末同搜搗為圓如梧子大每服五十九溫酒米湯下

烏金散治熱中多因外傷燥熱內用意傷脾飲啖肥膩積積胃中致多食教瘦小便過於所飲亦有下渴而飲食自消為小便者

黃丹 炒

細墨 燒各一兩

右研勻每服三錢食後先用人一兩碗漱口待心中熱索水便以冷水調下

爛金園治熱中消渴止後將補精血益諸虛解勞倦去骨節間熱寧心強志安神定魄固臟腑進飲食免生瘡瘍

大猪肚 一个

黃連 三兩

蜜

生姜 各二兩研

先將猪肚淨洗復以葱麩醋椒等洗控乾用藥同水酒入銀石蓋內煮半日瀉出黃連洗去蜜酒令尽剉研為細末再用酒調成膏入先洗猪肚內縫定入銀石器內水熬爛研為膏搜下項藥

人參 二兩

黃芪 四兩

五味子

山藥

杜仲 去皮剉姜汁淹炒絲斷

山茱萸

石斛

車前子

鱉甲 醋炙

熟地黄

新蓮肉 去皮

當歸 各二兩

槐角子 炒

白茯苓

磁石 煨碎各一兩

川芎 一兩

沉香 半兩不煨

麝香 一分別研入

兔絲子 酒浸濕研五兩

右為末用猪肚膏搜和得所膏少則添熟蜜并數千下元如梧子大食前溫酒糯米湯任下五十九一法有白木二兩陽起石一兩

石子菴危湯治強中多因耽嗜色慾及快意飲食或服丹真氣耗脫藥氣陰發致煩渴引水飲食倍常陰器常與不文精出故中焦虛熱注於下焦三消之中最為難治

芥危

石膏

各三兩

人參

伏神

栝樓根

磁石

煨碎

知母

乾葛

黃苓

甘草

各二兩

右為對散每用水三盞腰子一個去脂膜黑豆一合煮至盡半去腰子大豆入藥四錢煎至七分去滓食後服下焦熱則夜間服渴止勿服次投補藥

黃連栝樓治強中消渴服石子菴危湯差退可服此補養

黃連

梁米

栝樓根

伏神

知母

麥門冬

去心各二兩

右為末用大猪肚洗極淨入藥末縫定甌中炊極爛取出藥別研猪肚為膏搜前藥得所乾即添少蜜杵數千下丸如梧子大飲服五十九食前服

胡桃圓治消腎赤云內消多因快情縱慾極意房中男女權不能房多服丹石及失志傷腎遂致唇口乾焦精溢自出

或小便赤黃五色浮濁大便燥實小便不利而不甚渴

白茯苓

胡桃肉

湯去薄皮別研

附子

大个一枚去皮臍切作片生薑汁一盞始煮一分同煮乾焙

右等分為末蜜丸如梧子大米飲下三五十九或為散

以米飲調下食前服

古瓦湯治消腎消中飲水无度小便頻數

乾葛

天花粉

人參

雞脂脰

淨洗焙乾各等分

右為末每服二大錢用多年古瓦確碎煎湯調下不以時候服

鹿茸圓治失志傷腎二虛消渴小便无度

鹿茸

去毛切 炙三分

麥門冬

去心 二兩

熟地黄

黃芪

雞脂

麩炒

菴蓉

酒浸

山茱萸

破故紙

炒

牛膝

酒浸

五味子

各三分

茯苓

玄參

地骨皮

各半 兩

人參

三分

右為末蜜元如梧子大每服三十元至五十元米湯下

遠志圓治心腎虛煩渴引飲胃間短氣小便自利白濁泄遺

人參

白茯苓

川姜

炮各 半兩

牡蛎

煨取 粉

遠志

去心姜汁制 炒各

右為末用菴蓉一兩酒熬成膏圓如梧子大每服五十

圓糯米湯下

六神湯治三消渴疾

蓮房

乾葛

枇杷葉

去毛

甘草

栝樓根

黃芪

各等分

右為剉散每服四錢水一盞煎七分去滓溫服小便不

利加茯苓

子童桑白皮陽治三消渴病或飲多利少或不飲自利肌膚

瘦削四肢倦怠常服補虛止渴利

童根桑白皮

即末多成者去 粗皮日乾不焙

茯苓

人參

麥門冬

去心

乾葛

乾山藥

桂心

各一 兩

甘草

半兩 生用

玄兔丹治三消渴利神藥常服禁精止白濁延年

兔絲子

酒浸通軟乘濕研 焙乾別取末十兩

白茯苓

乾蓮肉

各三兩

五味子

酒浸別為 末秤七兩

右為末別碾乾山藥末六兩將所浸酒餘者添酒煮糊

搜和得所搗數千杵丸如梧子大每服五十九末湯下

空心食前服

梅花湯治三消渴利神

糯谷 旋炒作爆蓬

桑根白皮 厚者切細等分

右每用秤一两許水一大椀煮取半椀渴則飲不拘時

猪脊湯治三消渴疾

大棗 四十九枚去皮核

新蓮肉 四十九粒去心

西木香 一分

甘草 二兩炙

右用雄猪脊骨一尺二寸同煎藥用水五椀於銀石器

煮去肉骨濾滓取汁一椀空腹任意呷服忌生冷鹽藏

等物以滓減去甘草一半焙乾為末米湯調服不以時

八味圓治消渴小便多以飲水一斗利小便反倍之

澤瀉

茯苓

牡丹皮

桂心

附子 炮去皮臍各二兩

山茱萸

山藥

熟地黄 八兩

右為末蜜丸梧子大每服五十九米湯下食前服

文蛤散治渴飲水不止

文蛤 即五倍子最能回津木草在海蛤文甚失其性識者當自知之

右一味為末以水飲任調方寸匕不以時

烏梅木瓜湯治酒食過度中焦蘊熱煩渴枯燥小便併多遂

成消中兼治瘴渴所謂瘴渴者北人往南方瘴地多有此疾

木瓜乾

烏梅 打破不取仁

麥蘗 炒

甘草

草菓 去皮各半兩

右剉散每服四大錢水盞半姜五片煎七分去滓 不以時

羊乳圓治嶺南山瘴風熱毒氣入腎中變寒熱脚弱虛而渴

黃連 不拘多少為末

生栝樓根 汁

生地黄 取汁

羊乳 五羊乳牛乳人乳亦得

右以三汁搜和為丸如梧子大每服末飲下三五十元

一法濃煮小麥粥飲下

渴疾有人依山谷方單用兔絲子酒浸透直尔抄服甚効尔

有將黃芪陸兩甘草一兩作六一湯服之尤效又渴人病

愈須預防發癰疽宜服思冬圓

思冬草

不以多少根莖花葉皆可一各老翁鬚一名蜜毀花一名金銀花以洗淨用之

右以米麴酒於瓶內浸以糠火煨一宿取出曬乾入甘

草少許為末即以所浸酒為糊元如梧子大每服五十

元至百丸酒飲任下不以時此藥不特治癰亦能止渴

并五痔諸漏

麥門冬煎治諸渴

麥門冬去心

人參

黃芪

白茯苓

山茱萸

山藥

桂心

黑豆

三合煮去皮別研

右為末地黃自然汁二椀牛乳二盞教為膏元姑梧子

大麥煮飲下五十九

竹龍散治消渴

五靈脂

半兩 黑豆

半兩生去皮

右為末煎冬瓜子湯調下二錢

澄源丹治三消渴疾神妙

牡蛎粉

苦參

蜜陀僧

知母

水銀

以白蠟半分倍沙五味各一兩

枯樓根

黃丹

一兩与小銀沙同研

右為末男子用雌肚一个女人用雄猪肚一个入藥

在內以線縫定用繩縛立新墻上別用生枯樓根半斤

切碎同煮早辰至午時取藥出不用枯樓根只爛研猪

肚和藥為丸如梧子大每服三十粒食前米湯下日三

服十日可去病根

料筒

或云渴无外所因且傷寒脉浮而渴屬太陽有汗而渴屬陽
明自利而渴屬少陰及陽毒傷寒倍重燥盛而渴甚者有中
暑伏熱思取不差而渴者有瘴毒氣染害熱而渴者非外
因治法如傷寒論中不復繁引酒者黃連元以中是也渴最
妙又有婦人產後去血過多而渴者名曰血渴非三消類不
可不審

五疸叙論

古方叙五種黃病者即黃汗黃疸谷疸酒疸女勞疸是也觀
別錄則不止於斯也疸與黃其字一病古今立名異耳黃汗
者以胃為脾表屬陽明陽明者喜自汗出因入水中熱
必鬱故汗黃也疸者此由暑熱用冷水洗浴熱留胃中所
致以手諸疸不同故用黃字目之又云因食生黃菘氣上重
所致人或疑其不然古賢豈妄論也必有之矣谷疸者由失

肌發熱大食傷胃氣衝鬱所致酒疸者以酒能發百脉熱由
大醉當風入水所致女勞疸者由大熱交接竟入水水流濕
入于脾因腎氣虛眩以所眩射入致腎氣上行故有額黑身
黃之證世謂脾腎病者即此證也其間兼渴身腹脹者並難
治發於陰必嘔發於陽則振寒面微熱雖本於胃氣鬱發土
色上行然發於脾則為由疸發於腎則為黑疸若論所因外
則風寒暑濕內則喜怒憂驚酒食房勞三因悉備世醫把麩
於傷寒論中不示隘矣幸右宜識之

黃汗證治

病者身體腫發熱不渴狀如風水汗出染衣色正黃如蘗汁
名曰黃汗

桂枝加黃耆五兩湯治黃汗身腫汗出已輒輕久久必身
悶胸中痛腰以下无汗腰腹弛痛如有物在皮中劇者不

能食煩燥小便不利

桂枝去皮 芍藥 各三兩 甘草 二兩炙 黃芪 五兩

右為對散每服四錢小盞半姜五片棗三枚煎七分去

滓溫服仍飲熱粥以助藥力溫覆取微汗未汗又服

黃耆若酒湯治身体洪腫發熱自汗汗如藥汗其脈沉

黃芪 五兩 芍藥 三兩 桂心 三兩

右為對散每服四錢若酒三合水一盞半煎至七分去

滓不以時服初服當心煩以若酒阻故也至六七日稍

自愈

黃疸證治

病者發黃身而眼悉黃如金色小便如濃煮藥汗名曰黃疸

麻黃醇酒治傷寒疾血不解鬱發於表發為黃疸其脈浮緊

者以汗解之

麻黃 三兩去節

右一味以醇酒五升煮取二升每服一盞溫服汗出

愈秋冬用酒煮春夏用小便煮

谷疸證治

病者發黃內熱食則腹滿眩暈谷氣不消胃中苦濁一氣

下流小便不通陰被其寒熱流膀胱身體尽黃名曰谷疸

谷疸因治胃蓄痰熱氣濁食谷不消大小便不利脹滿不

下食跌陽脈緊而數亦治因勞發熱二鬱發黃

苦參 三兩 龍膽草 一兩 梔子 去皮炒 人參 三分

右為末以猪膽汁入熟蜜少許搜和丸如梧子大以大

麥煮飲下五十九日三不效稍加之

紅圓子最治谷疸用生姜甘草湯下方見霍亂門

酒疸證治

五疔唯酒疔最證最多蓋酒之為物隨人性量不同有盈
石而不醉者有濡而輒亂者以醞釀而成有大熱毒滲
入百脉為病則不特發黃溢于皮膚為黑為腫流于清氣
道中則眼黃鼻雖種二不同故方論中酒疔外有由疔黑
疔癩疔勞溢乃至令人恍惚失常等數證不同
半夏湯治酒疔發黃身无熱靖言了了腹滿欲嘔心煩是
熱或成癩癬心中博博其脉沉弦或緊細

半夏洗去滑 茯苓
枳殼麩炒去穢 甘草
茵陳 當歸 各一兩
白朮 各三兩 前胡

右為剉散每服四大錢水一盞半姜三片煎七分去
滓空腹服

二石散治由疔飲少小便多如白泔色因酒所致其脉弦滑

凝水石煨水飛 白石脂煨 栝樓根 桂心 各一兩

兔絲子酒浸別研 知母 各三分
右為末每服二錢大麥飲調下

桂木湯治酒疔因下後久久為黑疔目青面黑心中如啖並
蓋狀大便正黑皮膚不仁其脉微而數

桂心 白朮 各一兩 枳實麩炒去穢 京豉
乾葛 杏仁 甘草 各半兩

右為剉散每服四錢水一盞煎七分去滓食前服
當歸白朮湯治酒疔發黃結飲癬在心胃間心下縱橫堅痛
骨肉沉重逆害飲食小便赤黃此由本虛飲食生冷与脾
胃痰結所致其脉弦濡方

白朮 茯苓 各三兩 當歸 黃苓
茵陳 各一兩 前胡 枳實麩炒去穢 甘草炙

杏仁 麸炒去皮 半夏 湯洗七次

右判散每服四大錢水二盞姜七片煎七分去滓食前

人參飲治飲酒房勞酒入百脉令人恍惚失常

白芍藥 枳殼 麸炒

茯苓 酸棗仁 甘草 炙各一兩 熟地黃 二兩

右判散每服四大錢水一盞煎七分去滓食後煨臥

如神散治酒毒不散發黃久久浸漬流入清氣道中宜引藥

內鼻滴出黃水愈

苦瓠子 去皮 苦胡芦子 去皮各三七个 黃黍米 三白粒 安息香 子大

右為末以一字搗入鼻中滴出黃水三升忌勿吹或

過多即以香穰燒灰麝香末各少許搗鼻立止

女勞疸證治

夫交接輸瀉必動三焦上屬心中焦屬脾下焦屬腎動則

熱二則慾火熾因入水中中焦熱鬱故能發黃下焦氣脹故

額黑上焦走血隨痰熱行大便溏黑貴膝人有男女同室而

浴者多成此病撰生之人不可不知

滑石石膏散治女勞疸身黃額黑日晡發熱惡寒小腹急是

下熱其脉浮緊腹或滿者難治

滑石 石膏 煨各等分

右為細末以大麥粥飲調下二錢

七日三四小便極利則差

消石礬石散治女勞疸其腹臃脹膀胱急欲作水狀大便黑

者非水其脉滑腹滿者難治

消石 根汁 礬石 根汁

右為末每服二大錢大麥汁調下日三重衣覆取汁病

隨大小便出大便黑小便黃是効

雜勞痘證治

五痘之外有時行瘡瘰風寒暑濕等證痘不同

首陳施子圓治時行病急黃及瘡瘰疫疔

茵陳

施子去皮尖

芒消

杏仁去皮尖炒

豆豉

二分半湯
侵軟別研

佰山

蟹甲

醋炙各
半兩

巴豆去皮壓去
油一分

大黃

蒸一兩
一分

右為末錫飴為丸如梧子大每服三九飲下吐利為效

未知加一九竟休氣有異急服之妙

艾煎因治因傷風痰熱不解發於風疽身昏黃小便或黃

或白寒熱好臥不欲動其脉陽浮陰弱

生艾

三月採一束搗取
汁銅器煎如膏

大黃

黃連炒

栝樓根

疑水石煨

苦參

葶藶命隔炒
各等分

右為末以艾膏和得所丸如梧子大初服六七丸漸加

至二十九有熱加苦參渴加栝樓根小便澀加葶藶小

便多加疑水石小便白加黃連大便難加大黃所加並

倍之

五苓散治伏暑鬱發黃小便不利煩渴用茵陳煎湯調下

方見傷暑門

礬石滑石散治濕痘始得之一身及疹發熱面色黑黃七八

日後壯熱二在裏有血下如牝肝狀小腹滿者急下之身

目昏黃小便不利其脉沉細

礬石煨

滑石各等分

右為末每服二大錢大麥粥飲調下日三服食前便利

如血者效或汗愈

苦參散治人元漸忽然振寒皮膚麤塵出小便赤澀大便時

秘氣元里食飲不妨眠諸湯不除因為艾黃方

苦參

黃連

芫蕪

黃蘗 去皮

大黃 各一分

葶藶

炒半兩

右為細末每服一大錢飲調服當吐下隨時消息加減
小半夏湯治黃疸小便色不異欲自利腹滿而喘者不可除
熱去必噦

半夏 湯洗七次

右為剉散每服三錢水二盞姜

十片煎七分去滓不拘時

養榮湯治五疳脚弱心忪口淡耳響

微寒發熱氣急小便白濁當作虛

勞治之方見虛損門

三因極一病證方論卷之十

三因極一病證方論卷之十一

脹滿叙論

內經有鼓脹太素作谷脹治法雖詳而不論其所因原其脹
滿之端皆胃與大腸二陽明為二太陰之表大抵陰為之主
陽與之正或藏氣不平勝剋乘剋相感相因致陰陽失序遂
有此證假如怒傷肝肝剋脾二氣不心必脹於胃名曰勝剋
或怒乘肺二氣不傳必脹於大腸名曰乘剋憂思聚結本臟
氣鬱或實或虛推其感涉表裏明之皆內所因或因飲食飢飽生冷
濕隨其經絡傳至陽明致脹滿者屬外所因或因飲食飢飽生冷
甜膩聚結不散或作疝塊膨脹滿悶屬不內外因當知脹滿
該涉三因須以人迎氣口分其內外脉息虛實審其溫利詳
而調之无失機要亦不爾則為腹心痼疾坐受困踣不可不謹

脹滿證治

論云五積久而必心腹脹滿且五積以五臟氣不平肝為肥
氣心為伏梁肺為息奔脾為痞氣腎為奔豚皆聚結胚塊隨
所生所成之日分推而究之皆喜怒哀思乘剋勝剋相因相
感如斯等類從五積法治之可也但內所因不待成積所為
脹滿亦當隨其臟氣而平治之所謂虛實補瀉太過不及以
經調治

大半夏湯治肝氣不平脹剋於脾二鬱不行結聚涎沫閉於
臟氣腑氣不舒胃則脹滿其脈弦遲故知中虛胃冷脹滿
服此可下氣進食

半夏洗七次 桂心各五兩 附子炮去皮臍 人參
甘草炙 厚朴姜製 當歸
枳實麸炒去穢 川椒炒出汗去合
右為剉散每服四大錢水一盞半姜五片棗三個煎七

分去滓食前服

千金溫胃湯治憂思聚結脾肺氣疑陽不能正大腸與胃氣
不平脹滿衝欬食不得下脈虛而緊瀼

附子炮去皮臍 當歸 厚朴去皮生用 人參
橘皮 白芍藥 甘草炙各一兩 乾姜一分
川椒炒出汗去合

右為剉散每服四大錢水二盞煎七分去滓食前服

附子硬米湯治憂怒相乘神志不守思慮兼并擾亂藏氣不
主傳導使諸陽不舒反順為逆中寒氣脹腸鳴切痛胃脹
逆滿嘔吐不食

附子一個生去皮臍 半夏湯洗七次 硬米各三分
甘草炙一分 乾姜一分千金方加此

右剉散每服四大錢水二盞棗三個煎七分去滓食前服

七物厚朴湯治腹滿發熱以陽并陰則陽安而陰虛陽盛生
外熱陰虛生內熱脈必浮數浮則為虛數則為熱陰虛不
能宣導飲食如故致脹滿者為熱脹

厚朴 姜制各炒 甘草 炙 大黃 逐各三 枳實 炒去
桂心一分 一兩 三分 核半兩

右為判散每服四大錢水盪半姜七片棗三個煎七分
去滓食前服嘔者加半夏一分利者去大黃寒多加生
姜十片煎

麝香綿灰散治腹虛脹滿朝後暮急服諸藥不差要風不能
宣泄彭二鼓脹

寒蚕綿 燒灰 麝香 半兩 右研細令勻每服一大錢匕濃煎薄荷湯調下酒服尤
佳不以時一法有乾漆炒大煙出量虛實用之虛則不
可用

溫中湯治虛人老人飲啖生冷多致腹脹心下痞滿有妨飲
食或刺痛泄利氣痞滯胸

厚朴 去皮 甘草 剉細 生姜 洗切 青州東 切各

右上一二件搗令得所方入生姜又杵令勻取出同棗焙
令溼之微燥却入鍋內慢火炒至紫色又焙乾為細末
每服一大錢擦生姜少許沸湯煎空腹服以知為度氣
味殊美兼能愈疾又易消化

新簡

上仲諸方如內因与不內外因皆可選用若外因傷風傷寒
傳至陽明經腹脹可以大承氣杏子湯等各見本以溫脹本
附湯加茯苓桂心枳實黃龍丸各良藥也更有脚氣支痛脾
橫泄及五疸在少婦人腸覃血腫或單二腹脹之證治之各
見本以孝者當審詳為治元致混濫失其機要也

霍亂叙論

夫霍亂之病為卒病之最者以人起居无它揮霍之間便至
示亂尚絕不致甚為可畏焮深履危不足以論有生之流不
可不達其旨趣蓋其病因涉於內外不內外三種具備而讀
傷寒論者見有本是霍亂今是傷寒之說便謂霍亂即傷寒
殊不知因傷寒致霍亂只是外因一證尔况風暑濕各有此
證殊不知喜怒憂思飲食飢飽各能致霍亂之證故不得不
備論

霍亂諸證

霍亂者心腹卒痛嘔吐下利增寒登執頭痛眩暈先心痛則
先吐先腹痛則先下心腹俱痛吐利並作甚則轉筋入腹則
斃霍亂惡證无越於斯此蓋陰陽反戾清濁相干陽氣暴升
陰氣頓墜陰陽痞隔上下奔逸投救不先治之唯宜溫煖更

詳別三因隨內外以調之不尔則坐視困踣也

霍亂外因證治

諸惡風惡寒有汗无汗重着煩毒各外所因蓋傷風則惡風
有汗傷寒則惡寒无汗冒濕則重着傷暑則煩此虽常論
揮霍之間倉卒不辨遂致錯誤亂經反常為害不淺豈止本
為霍亂今是傷寒而已哉當隨外所因治之乃可
理中湯治霍亂吐下脹滿食不消心腹痛

人參

乾姜炮

白朮

甘草炙各三兩

右為剉散每服四大錢水一盞煎七分去滓食前遠行
防霍亂煉蜜如丸如梧子大每服三五丸如作散每
服方寸匕酒調下亦得若轉筋者如石膏煨三兩若膈
上築者腎氣動也去朮加桂心四兩腎惡燥故去朮恐
作奔豚故加桂吐多者去朮加生姜三兩下多者復用

木悸者加茯苓二兩渴欲得水加木合前成四兩半腹
中加人參合前成四兩半若寒者加乾姜合前成四兩
半腹滿者去木加附子服藥後食頃食熱粥一盃微自
溫覆勿發揭衣被噦則加丁香吐利止身體痛不休者
審其元因以和解之如初因傷風用桂枝之類所謂治
有本也

外因科論

凡外所因必自經絡傳入臟腑須以脈證推其所因隨經調
之則不善矣假如傷寒在太陰經當用四逆湯少陰經當用
附子麻黃湯厥陰經當用理中湯若在太陽經還用麻黃湯
陽明經養胃湯少陽經小柴胡湯風暑濕亦然風則桂枝湯
暑則香薷飲五苓散濕則苓朮湯溼濕湯皆可於諸門隨證
檢用不復贅列

霍亂內因證治

諸大善傷心則氣散大怒傷肝則氣激憂傷肺則氣聚思傷
脾則氣結恐傷腎則氣却驚傷膽則氣亂氣亂氣聚鬱結
飲痞隔不通遂致滿胸隨其勝復必作吐利當從外所因治
七氣陽法喜悲憂思恐驚七氣鬱發致五臟互相刑剋陰
陽反戾揮霍變亂吐利交作寒熱眩暈痞滿咽塞

半夏 湯洗 五兩

厚朴 姜製 各三兩

桂心 各三兩

茯苓

白芍藥 各四兩

紫蘇葉 各二兩

橘皮 各二兩

人參 一兩

右為散每服四錢水盞半姜七片棗一個煎七分去
滓空腹服

胃氣丸治憂思過度脾肺氣閉聚法涎飲番滯腸胃氣鬱於
陰凝寒於陽陰陽反戾吐利交作四肢厥冷頭目眩暈或
復發熱兼治老人胃弱大便反秘妊娠惡阻全不納食

硫黃 不拘多少猪鬃內傳兩頭以米泔酒煮子小便

半夏 各一握煮乾一半取出洗新氣控乾秤十四 白茯苓 人參 各一兩 石膏 一分

右為末生姜自然汗釋炊餅糊為丸如梧子大每服五

十九至百丸空腹米湯入少生姜汁下

真珠散治喜怒不常憂思兼并致臟氣鬱結番積涎飲胃腹

滿悶或復疼痛憎多發熱吐利交作

附子 二个一前一 半夏 湯二十一 滑石 去滑一兩半

成煉鐘乳 各半兩 辰砂 三分別研

右為末每服二錢水二盞姜七片藿香兩三葉蜜半匙

煎七分食前冷服小便不利加木通茅根煎

不內外因證治

諸飽食膾炙恣殮乳酪水陸珍品脯醢雜穀快飲寒豨強進

百酒耽縱情慾不節以胃為五藏海因脾氣以運行胃炆膜

脹脾臟停凝臟氣不行必致鬱發遂成吐利當從不外內因

治之

紅丸子治脾胃虛冷飲食不節宿食番飲聚癖腸胃或因氣

不調衝冒寒濕忽作霍亂吐利併作心腹絞痛腸胃纏刺

疲示不勝

蓬朮 剉 三稜 剉各二兩同以 胡椒 一兩

青皮 三兩炒 阿魏 一分

右為末醋化阿魏入陳米粉為糊丸如梧子大礬朱為

衣每服一百丸至二百丸煎生姜甘草湯下

胡椒湯治霍亂吐利為佳

胡椒 七粒 藜蘆 三七粒

右為末煎木瓜湯調下

訶子散治老幼霍亂吐利一服取效 方見凡 痛門

霍乱凡例

轉筋者以陽明養宗筋屬胃與大腸今暴下暴吐津液頓亡外傷四氣內積七情飲食甜膩攻閉諸脈枯削於筋宗筋失養必致事急甚則卵縮舌卷為難治

木瓜湯治霍亂吐下不已身軀轉筋入腹則胸絕

木瓜乾一兩 吳茱萸半兩湯十次 茴香一分 甘草炙一兩

右為剉散每服四大錢水一盞半三片紫蘇十葉煎七分

分去滓食前服

煩渴者以陰陽反戾清濁相干清氣干濁水與谷併小便秘澀耗走津液腎必枯燥引水自救煩渴必矣

茯苓澤瀉湯治霍亂吐利後煩渴飲飲水

茯苓 八兩

澤瀉 四兩

甘草 炙二兩

桂心 二兩

白朮 三兩

右為剉散每服四大錢水一盞姜三片煎七分去滓食

前服一方有小麥五兩

水浸丹治伏暑傷冷二執不調霍亂吐利口乾煩渴

黃丹一兩一分炒 巴豆二十五分去皮心

右同研勻用黃蠟鑄作汁和為丸如梧子大每服五丸以水浸少頃別以新汲水吞下不以時候

乾霍亂者忽然心腹脹滿絞刺痛疼蠱毒煩冤欲吐不吐欲利不利狀若神靈所附頃刻之間便致胸絕赤滲三因或臟虛或腸胃素安故吐利不行

塩湯治乾霍亂及蠱毒宿食不消積冷心腹煩痛鬼氣

至鹹塩湯三升熱飲一升刺口令吐宿食使尽不吐更服

吐訖復飲三吐乃止此法大勝諸治俗人以為田舍遠近

鄙而不用守死而已凡有此病即先用之

嘔吐叙論

嘔吐全本於胃然所因亦多端故有寒熱飲食血氣之不同
皆使人嘔吐據論云寒氣在上真氣在下一氣並爭但出不
入此亦一塗未為定論且如氣屬內因則有七種不同寒涉
外因則六淫分異皆作逆但鬱于胃則致嘔豈拘于真氣而
已况有宿食不消中滿溢吐五飲聚結隨氣畜吐痼冷積熱
及瘀血凝閉更有三焦漏氣走哺吐利泄血皆有此證不可
不詳辨也

寒嘔證治

病者胃中寒心下淡三四服厥冷食而嘔吐名曰寒嘔或因
傷食多致傷胃氣或因病後汗下致胃氣虛冷之所為也
四逆湯治多嘔脈弱小便復利身有微熱見厥者難治

甘草 一分炙

乾姜 三分

附子 六分重生

去皮臍

一分

右為對散每服三錢重小二盞煎七分去滓食前溫服

硫黃丸治同前

硫黃 不拘多少

右一味以柳木槌研細生薑汁釋炊餅糊為丸如梧子
大每服五十九米湯下食前

靈液丹治胃中虛寒聚積痰飲食飲不化噫醋停酸大便反

堅心胃脹滿惡聞食氣婦人妊娠惡阻嘔吐不納食者

硫黃 打碎

附子

去皮臍切如常
豆大各一兩

萊菔

四兩用酒一
椀煮乾焙

右為末姜自然汁煮麩糊為丸如梧子大每服五
十九米湯下食前服

熱嘔證治

病者胃中挾熱煩躁聚結涎沫食入即吐名曰熱嘔或因胃
熱伏暑及傷寒伏熱不解濕疸之類皆熱之所為也

小柴胡湯治嘔吐 方見傷寒論

治法曰病者嘗發汗令陽微隔氣虛脈乃數為客
熱不能消谷胃中虛冷故吐當作嘔治之不可用此

疾嘔證治

病者素盛今瘦腸中漼漼 有聲食入即嘔食與飲並出名曰
疾嘔或因氣鬱涎結於胃口或因酒食甜冷聚飲之所為也
大半夏湯治心氣不舒鬱生涎飲聚結不散心下痞鞭腸中
漼漼有聲食入即吐

半夏 二兩湯洗十次 人參 三分三

右分四服每服小三盞蜜二錢重和少揚令勻入藥煎
至六分去滓溫服一升有生姜七片 治吐曰嘔家先
渴今反不渴者以心下有支飲故也治屬支飲

茯苓澤瀉湯治同前方見霍亂門

食嘔證治

病者胃腹脹胸四肢厥冷惡聞食臭食入即嘔朝食暮吐暮
食朝吐名曰食嘔此由飲食傷脾胃宿谷不化之所為也
大養胃湯治飲食傷脾胃宿谷不化朝食暮吐暮食朝吐上氣
復熱四肢冷痺三焦不調及胃虛寒氣在上憂氣在下二
氣並爭但出不入嘔不得食

厚朴 去皮 生姜 各二兩 肥棗 三兩對同 白朮

山藥 炒 人參 川芎 橘皮

當歸 五味子 藿香 甘草 炙

枇杷葉 刷毛 黃芪 各一

右為對散每服四錢水一盞半姜三片棗一個煎七分
去滓空腹服或為細末米湯調下亦快

治中湯治同前兼治中寒飲食不化吞酸嘔呃食則彭身脹

蒲嘔逆

人參

白朮

乾姜 炮

甘草 炙

青皮

陳皮

各等分

右為對散每服四大錢水一盞半煎七分去滓大便秘入大黃其子大兩枚

血嘔證治

病者心下滿食入即嘔血隨食出名曰血嘔此由疾蓄於血聚積胃口之所為也

茯苓湯治憂怒兼并氣攻血溢停雷胃昏嘔逆血腥嘔吐食

飲及妊娠中脘宿冷之血侵脾惡閉食氣病名惡阻

半夏

二兩湯洗十次

茯苓

熟地黄

各二兩 橘皮

細辛

人參

芍藥

川芎

旋復花

桔梗

甘草

炙各一兩一分

右為對散每服四大錢水二盞姜七片煎七分去滓空

腹脹有客熱煩渴口瘡者去橘皮細辛加前胡知母腹

冷下利者去地黄入桂心炒胃中虛熱大便秘小便澀

去地黄加大黃一兩八錢黃芩六錢

當歸湯治三焦虛損或上下發泄吐唾血昏從三焦起或因

損損或因酒發悉主之

當歸

乾姜 炮

熟地黄

藥皮

小蓟

羚羊角

鎊

阿膠

炒各三分三字

白朮

芍藥

各半兩

黃芩

甘草

炙各一分

右為對散每服三錢水二盞竹茹一塊如指大煎至八

分去滓入伏龍肝半錢匕頭髮灰半錢匕蒲黃半錢匕

又煎至七分不以時候服

氣嘔證治

病者心膈脹滿氣逆於胃間食入即嘔二
者足陽明合榮於足今隨氣上逆結於胃
口故生嘔病也
菜羹人參湯治氣嘔胃滿不納食嘔吐涎沫
或疼

吳茱萸 湯洗數次五兩 人參 三兩

右為剉散每服四大錢水一盞半姜五片棗三枚煎七分去滓不以時服

藿香湯治心下虛滿飲食不入時二嘔吐噎二短氣或大病將理不復胃氣元以養日漸羸弱

藿香 人參 桂心 桔梗

木香 白木 各半兩 茯苓 半兩 枇杷葉 十片去毛

半夏 一兩湯洗用姜汁製

右為剉散每服五錢水二盞入炒姜絲一分煎七分去滓食前服

漏氣證治

病者身背昏熱肘臂疼痛其氣不續膈間厭悶食入則先吐而後下名曰漏氣此因上焦傷風開其腠理上焦之氣慄悍滑疾遇開即出經氣失道邪氣內着故有是證

麥門冬湯治上焦伏熱腹痛不欲食食入胃未定汗出身背昏熱或食入先吐而後下名曰漏氣

麥門冬 去心 生薑根 竹茹 白木 各五兩

甘草 炙 茯苓 各二兩 橘皮 人參

姜豉 各三兩

右為剉散每服四大錢水一盞半薑五片陳米一撮煎七分去滓熱服

走哺證治

病者下焦實熱大小便不通氣逆不續嘔逆不禁名曰走哺

此下焦氣起於胃下口別入回腸注於膀胱并与胃傳糟粕而下大腸令大小便不通故知下焦實熱之所為也
人參湯治下焦伏熱氣逆不續大小便不通嘔吐不禁名曰
走哺

- 人參
- 姜麩
- 黃芩
- 知母
- 茯苓 各三錢
- 白朮
- 橘皮
- 生薑根
- 梔子仁 各半
- 石膏 煨一兩

右為劉散每服四錢水一盞半煎七分去滓溫服
厚朴湯治乾嘔而不逆熱少冷多好唾白沫清涎噫氣吞

- 厚朴 姜製
- 白茯苓
- 川芎
- 白朮
- 玄參
- 吳茱萸 湯洗各半兩
- 桔梗
- 附子 炮去皮
- 人參
- 橘皮 各三分

右為劉散每服四大錢水一盞半薑五片煎七分去滓

溫服

三物指苓散治嘔吐病在膈上思水者是欲解也

- 猪苓 去皮
- 白茯苓
- 白朮 各等分

右三味末之飲服方寸匕

凡例

凡先嘔却渴者此為欲解先渴却嘔者為水停心此屬飲家
又傷寒後餘物在胃嘔吐傷寒者證治之若脚弱脾疼
而嘔者此脚氣內攻宜急依脚氣治之更有婦人懷妊更
阻嘔吐亦各從其門類或中毒而嘔以解毒藥解之酒家嘔
吐當以解醒藥解之其如三焦偏氣走哺嘔吐則見上門也
利則見下利門各從其類也 然嘔不得輕用利藥唯腹滿
則視其前後何部不利利之即愈

噦逆論證

噦者咳逆也古方則謂之噦凡吐利後多作噦大率胃空即噦胃虛則噦此由胃中虛膈上熱故噦或至八九聲相連或氣不回到於驚人之者若傷寒之久病得此甚惡內經所謂壞府者是也楊上善釋云津液者知監蓋之漏聲嘶者知琴弦之絕業為者知槁木之摧率此三物衰壞之微以此噦故知氣病深之候也亦有噦而心下堅痞眩悸者以膈間有痰水所為其他病則各有治法

噦治法

橘皮竹茹湯治咳逆嘔噦胃中虛冷每一噦至八九聲相連收氣不回至於驚人

橘皮 二兩

人參 一兩

甘草 炙半兩

右為剉散每服四錢水一盞半竹茹一小塊薑五片棗

二个煎七分去滓不以時服

羌活散止咳逆

羌活

附子

炮去皮臍

茴香

炒各半兩

木香

乾姜

丁香

各一兩

右為末每服二錢水七分盞鹽少許煎數沸空腹服

丁香散治咳逆噎汗

丁香

柿蒂

各一分

甘草

炙

良薑

各半兩

右為末用熱湯點二錢乘熱服不以時

又一方產後咳逆方見婦人門

醋咽證治

夫中脘有飲則嗜有宿食則酸食後噯醋吞酸皆宿食證俗謂之噯酸是也

麴木丸治中脘有宿食留飲酸噯心痛口吐清水噯宿腐者

神麴

炒三兩

蒼朮

炒三宿法淨曬乾炒一兩半

陳皮

一兩

右為末生薑汁別煮神麴末糊為丸如梧子大每服三
五十九丸姜湯下不以時服

五百丸治宿食留飲聚積中脘噎臭吞酸心腹疼痛并療中
虛積聚及臟腑發泄赤白痢下

丁香

巴豆

去皮別研

縮砂仁

胡椒

烏梅

去核

右件各一伯个為細末炊餅糊為丸如菽豆大每服五
七丸熟水下食後臨卧服

榮氣叙論

夫榮氣之邪從口入者宿食也蓋五味入口所以滋養五藏
得之則生不得則死傷之則反為生害所以宿食為雜病之
先若五臟不平食不輸化血凝氣滯群證蜂起皆宿食所為

也治之當量其臟腑虛實淺深為治養生方戒不得用巴豆
令服青木香丸如有食癖非巴豆不克所謂擾手可擾人亦
无擾

木香丸用牽牛牽牛最為入腎不徒不能消食積而又害於
元精識者知之其痛乳痛惡風憎寒心腹脹滿下利不欲
食吞酸噎伯腐氣若胃中熱食反留滯其脈數而滑宜下
之愈若脾虛其脈浮大按之反濡尺中亦微瀋宜溫藥消

榮氣治法

如神木香丸治榮氣聚結癥瘕胃脘胸痛或吐酸水食後噎
作生熟氣腹脹泄瀉及四肢浮腫

木香

硃砂

滴淋

蓬朮

胡椒

半夏

乾漆

炒大煙尽

縮砂仁

桂心

青皮

附子

炮去皮臍

三稜

醋煮一宿

白姜

炮一兩

右為末蜜丸如梧子大每服三五丸生薑橘皮湯下
空心服

感應丸 太乙神
明再造 治虛中積冷氣弱有傷不能傳化心下堅滿

兩股膨脹心腹疼痛噫宿腐氣及霍亂吐瀉或復遲滯久
利赤白膿血相雜米谷不消久病形羸面黃口淡不能飲
食

肉豆蔻 川姜炮 百草霜各二兩 木香 一兩半

葷澄茄 京三稜 炮各一兩 巴豆 一百粒去皮別研 杏仁 一百粒去皮尖別研

酒蠟 四兩 油一兩 丁香 一兩

右除巴豆杏仁外並為細末次下巴豆杏仁等和勻先
將油煎蠟令鎔化傾在藥末內和成劑入臼內杵十餘
分下後丸如黍豆大每服三五丸熟水吞下食後臨臥服
小兒如黍米大式三丸

泄瀉叙論

方書所載瀉利與經中所謂洞泄飧泄澹泄溢泄濡泄水穀
注下等其實一也仍所因有內外不內外差殊耳經云寒甚
為泄春傷風夏食泄論云熱濕之氣久客腸胃滑而利下者
外所因喜則散怒則激憂則聚驚則動藏氣隔絕精神奪散
必致澹泄者內所因其如飲食生冷勞逸所傷此不內外因
以此類推隨證主治則不失其病源也

虛寒泄瀉治法

桂香丸治藏府虛為風濕寒所搏冷滑注下不禁老人虛人
危篤黑效

附子 炮去皮臍 肉荳蔻 炮 白茯苓 各一兩 桂心

白姜 炮 木香 炮各半兩 丁香 一分

右為末糊丸如梧子大末湯下五十九丸空腹服

香朴丸治腸胃虛冷泄瀉注下无度脾虛氣閉不進飲食

厚朴 五兩姜汁製炒 白朮 三兩 茴香 炒 陳皮 各三兩

訶子 炮去核 赤石脂 煨各一兩半

右為末麩糊丸如梧子大空腹米湯下五十九丸常服暖

腸胃

建脾丸治虛勞羸瘦身重胃冷飲食不消泄瀉不止或作帶

下久變五色穢臭

鍾乳粉 赤石脂 煨各一兩半 枯礬 乾姜 炮

茯苓 酒浸 石斛 酒浸 五味子 酒浸 桂心 炒

澤瀉 桑上寄生 遠志 去心炒 人參

栝子仁 當歸 酸石榴皮 龍骨 煨

天雄 炮去皮臍 牡蠣粉 白頭翁 去苗 甘草 炙各一兩

右為末蜜丸梧子大末湯下三十九丸空腹服

豈寇分氣飲治藏府虛寒泄瀉瘦極及婦人產後洞泄危篤者

藿香葉 草薹薹仁 青皮 各四兩 甘草 炙

丁香 各半兩 肉薹薹 炮十兩 烏梅 五十個去仁

右剉散每服四分小二盞糯米一撮煎七分去滓空腹

服

羊肉扶羸丸治脾胃不和不能飲食臟腑虛滑老人虛人尤

宜服之

精羊肉 一斤半微斷血脉煨乾取末四兩 白姜 炮一兩 川椒 去目炒

肉薹薹 煨各一兩 木香 一分 附子 炮去皮臍 神麴 炒半兩

右為末煮粟米飲為丸如梧子大食前米湯下五十九

川椒丸治臟虛泄瀉无度

黃連 炒 烏梅肉 當歸 川椒 炒出

桂心

乾姜

炮炙等分

右為末糊丸梧子大每服三五十九丸米湯空腹服

灾熱泄瀉治法

小承氣湯治下利譫語者有燥屎故也方見傷寒論夫泄瀉

却用大黃者乃通因通明也非大灾熱勿輕用之

谷熱泄瀉治法

博濟香姜散治久患脾泄瀉

生姜四兩 黃連一兩

右各判如豆大一處燉火炒令姜佳赤去姜礮黃連為

細末每服二分空腹臍茶清調下或將姜為末米飲調

治白痢亦效

建脾散治五泄或青白五色雜下休作元時

烏頭炮去皮尖三分 厚朴去皮判姜製炒 甘草炙 乾姜炮各一分

右為末每服二錢水一盞薑三片煎七分熱服

止瀉如神圓

川烏頭四兩米泔浸去皮切作片用鹽四兩炒黃去鹽不用 半夏湯洗七次去骨 蒼朮各半片米泔浸淨洗

右為末姜汁糊為丸梧子大空腹米湯下五六十九

戊巳丸治脾胃受濕泄利不止及米谷不化小兒疳痢並宜

服之

黃連 吳茱萸湯洗 白芍藥各等分

右三味同炒為細末米糊丸如梧子大每服三五十九

米湯空腹下小兒量与之

補脾散治脾泄不止食積不消癥瘕塊結大腸滑泄臟毒下

利腹痛腸鳴

麥蘖炒三兩 神麴炒二兩 茴香炒 草果逐個用麴

厚朴製 乾姜炮 陳皮各一兩 木香生半兩

甘草 炙半兩

右為末脾泄瀉訶子湯入鹽調下二錢脾虛腸鳴氣不和瀉不止炒姜酒調下常服鹽湯點空心食前服

料簡

凡治瀉須先理中焦如理中湯丸等是也次即分利小谷如五苓散等是也治中不效然後斷下即用禹餘糧赤石脂等是也玉機真臟論云五虛死謂脈細皮寒少氣前後泄利飲食不入得此必死其有生者粥粥入胃泄淫止則活也又金匱云六腑氣絕於外者手足寒上氣脚縮五臟氣絕於內者下利不禁甚者手足不仁脈沉弦者為下望脈大者為未止重泄利手足厥冷无脈灸之不溫脈不還微喘者死有微熱而渴自汗脈或微弦數弱法並當自愈或脈沉遲而面少赤身微熱鬱冒汗出而解必微厥所以然者以其面載陽下虛故

也泄利後腹脹滿身體疼痛者先溫其裏宜四逆湯後攻其表宜桂枝湯上件金匱節文雖於三因不甚分明其脈不可不究既用四逆法傷寒不妨用桂枝加附子法傷風木附加桂枝傷濕五苓散法傷暑皆可類推又古方泄利與帶下共為一門千金又以宿食不消在熱痢類門類限泄後尋難明不可甄別也

三因極一病證方論卷之十一

Vertical text columns on the right page, likely bleed-through from the reverse side. The text is written in a traditional Chinese style and is mostly illegible due to fading and bleed-through. Some faint characters are visible, including what appears to be a date or reference number at the top right.

